

# বন্ধুর প্রতি

শ্রীজ্যোতিষচন্দ্র রায়

তৃতীয় বার্ষিক শ্রেণী ।

জীবনে বহুজনে

এনেছি নিজ মনে ;

ক'ভু তো কার সনে

পড়েনি বাঁধা প্রাণ ;

তুলেছি তান কত,

গেয়েছি গান শত,

হয়নি মনোমত

কখন কোন গান ।

আজিকে তব সনে

পড়েছি বাঁধা মনে ;

মানস অঁখি-কোণে

তুমিও বাঁধা আজ ;

তোমারি প্রেম-তান

তোমারি প্রেম-গান

ভরিয়া মন প্রাণ

দিয়েছে নব সাজ ।

তোমারি অঁখি-কোণে

উজল মৃদু হাসি

কহিছে ক্ষণে ক্ষণে,—

“তোমারে ভালবাসি :

তোমারে ভালবাসি

তাইতো তব কাছে

কখন নাহি আসি

শিথিল হয় পাছে :

প্রকৃত ভালবাসা

শুধু না কাছে টানে,

সুদূরে রাখে তারে

মরমে যাতে জানে।”

\*

\*

থাকহে তবে দূরে

“যেখানে চায় প্রাণ ;

বিরহ-ব্যাথা-সুরে

গাহিব তব গান।

বিরহ-ব্যাথা প্রাণে

জাগিবে শুধু আশা ;

সে আশা ভাষা দানে

ফুটাবে ভালবাসা।